



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepiscopo Bvrdegalensi, & Episcopo Agennensi, & Abbatи Clariacensi
Agennensis diocesis.

urn:nbn:de:hbz:466:1-20020

sius & sociorum ejus non per eum, sed per procuratorem, agatur, & in causa Ecclesiarum suarum Clerici etiam adversus extraneos admittantur, cur in hac repelli debat, nisi aliud rationabile obvieret, non videmus. Tu denique, frater Episcopo, super te ipso &c. Datum Laterani 11. Idus Martij, pontificatus nostri anno sextodecimo.

*ARCHIEPISCOPO BVRDEGALENSI,
& Episcopo Agennenſi, & Abbatii
Clariacensi Agennenſis dioceſis.*

Epif. 5.
Advensis Ar-
chiepiscopum
Auxitanum.
Vide lib. 14.
epif. 32. 33.

Cum gemitus Ecclesiae Auxitanæ gemitis sub nocte cœcitatibus sui Archiepiscopi & plorantis olim ad aures apostolicas ascendisset, à multis nobis multo tiens inculcatus, eundem Archiepiscopum monimus diligenter ut cùm ad pontificalis curam regiminis se deberet cognoscere minus aptum, suam & aliorum salutem lucris temporalibus anteponens, & compatiens Ecclesiae memoratae, quæ sub umbra ejus graviter in spiritualibus & temporalibus erat lapsa, pontificalem curam spontaneus resignaret, venerabilibus fratribus nostris Archiepiscopo Narbonensi & bona memoriae Vicensi Episcopo apostolica sedis Legatis nostris dantes litteris in mandatis ut ipsum ad id inducere procurarent. Sed idem Archiepiscopus citatus pluries ab eisdem, non solum ad ipsos accedere non curavit, verum etiam, sicut nobis innotuit per ipsius litteras Narbonensis, cùm excommunicatus fuerit ab eisdem, divina in animæ suæ periculum celebrare officia non desistit, praecesse quidem desiderans, non prodesse; cùm non modò subditum sibi populum juxta pontificale officium non erudit, quinimmo detestabilis vita ac conversationis exemplo inficiat & corrumpt, tot circumdatus flagitiis & operibus ut si etiam correctioni vellet intendere subditorum & bona prædicare opera quæ non agit, ipso verba sua operibus impugnante, ad eum reverteretur vacuous sermo ejus, cùm cuius vita despicitur, etiam prædicatio contemnatur. Et ut de multis quæ obiciuntur eidem aliqua exprimamus, hæreticorum esse dicuntur receptor & fautor, aleator, & dilapidator notissimus, simoniacus etiam, & perjurus, atque adeo deditus ad carnalium flagitia voluntatum ut, sicut aqua effusus, incestuosa quoque commercia non eviter. Lugen ergo non solum Ecclesia, verum etiam tota diocesis, quinimmo tota provincia Auxitana, cùm idem querens in ovibus solūmodo lac & la-

Tom. II.

A A a a

Dei vos comedere comprobetur. Quod si non omnes &c. duo vestrum &c. Vos de-nique, fratres Archiepiscopi & Episcopi, super vobis &c. Datum Laterani XII. Kal. Junij, pontificatus nostri anno sextodecimo.

*V N I V E R S I S A B B A T I B V S
& Prioribus Cluniacensis ordinis ad gene-
rale Capitulum convenientibus.*

*Epiſt. 6.
Hortatur eos
ad meliorem
frugem.
Vide iſtrā epift.
144.*

Si diligenti meditatione pensabis qua-liter vita monastica sub primis ordinis patribus pullulavit, & palmites longè latèque producens, ad mortifera circum-quaque venena pellenda flores bonorum operum protulit & boni nominis effudit odores, pervigili cura studebitis eorum inhærcere vestigia, per quos in deserto mundi hujus plantata est & fructificavit in pluribus vitis monasticae honestatis. Ii nimirum monastica frugalitate contenti, & optimum ponentes in paupertate principium, assēcuti sunt in Domino totius sufficiētia complementum, Ecclesiarum Pra-latis accepti, ante Reges & Presides vita & merito glorioſi. Nunc autem, quod mœrarentes dicimus, eti non à cunctis in omnibus, à plerisque tamen ex vobis in pluri-bus dicitur declinatum in tantum quod contra vestri ordinis regulam manu nimis avida colligentes ubi forsitan non sparsisti, dum loculos proprios replere nitimini, bona Ecclesiarum, quae vestro committuntur regimini, vacuatis, sic ambitioni vacantes quod in locis quibus praefisi, terrena paupertatis opes queritis, non opem im-penditis consilij salutaris. Ecce inter alia loca vestra præsidentium culpa depresso, prioratus de Caritate, qui olim in spiritua-libus florens, in temporalibus abundabat, tanta corruptela marcescit & tam arida de-primitur paupertate quod nisi aliorum re-levetur auxilio, vix adicere poterit ut re-surgat. Alias etiam, sicut accepimus, tam in vobis quam alii curae vestra commissis adeo perniciosi facti estis exemplo quod antiquis patribus loco tantum & habitu, non prærogativa virtutum, videmini suc-cessisse, sed eo plures contagio corruptio-nis inficiti quo pluribus illi quorum loca tenetis correctionis exempla vitae magiste-rio exhibebant. Ne vero indignè illorum privilegiis gaudeatis quorum non servatis in moribus disciplinam, per apostolica vo-bis scripta mandamus quatenus incipientes facere quod possitis liberiū edocere, in vobis & subditis haec & iis similia corriga-tis, tantoque plus luceant opera vestra bo-

*Vide lib. 15.
epift. 144.*

na coram hominibus ut glorificent patrem vestrum qui est in celis quanto magis mala præterita facti evidenter publicavit, & ubi major ruina præcessit, ibi majoris repara-tionis sollicitudo sequatur, & dannum quod divulgata malitia intrulit, manifeste bonitatis suffragio restauretur. Quia vero integrum confluavit esse judicium quod plurimorum sententias confirmatur, & que profectum communem respiciunt, tradari solent melius in communi, annuatim intre-ffe Capitulo generali omni occasione postposita studeatis, quæ ibidem secun-dum Deum & beati Benedicti regulam fuerint instituta firmiter servaturi, & tam in iis quam in aliis dilecto filio Abbatu Clu-niacensi tamquam devotissimis patri & mem-bra convenientia capiti obedientiam & reverentiam debitam impendentes, circa reformationem prioratus de Caritate ma-num auxilijs & consilij apponatis, tantaque in præmissis diligentia uigiletis quod nec in vobis per culpam nec in subjectis per ne-gligentiam offendentes, corrigitis in po-sterum quod in præterito commisisti. Vos denique, filii Abbates, super vobis ipsiſ &c. Datum Laterani Idibus Martij, pon-tificatus nostri anno sextodecimo.

*P A T R I A R C H A
Hierosolymitano apostolica sedis
Legato.*

Sollicitudinem tuam in Domino com-mendamus, eò quod circa terræ san-cta profectum adeo sollicitus & studiosus existis ut ei tam in spiritualibus quam tem-poralibus te pro viribus exhibeas fructuo-sum. Accepimus sancte per litteras tuas quod postquam venerabilis frater noster Episcopus Sidoniensis iter arripuit ad se-dem apostolicam veniendi, tu à Rege il-lustri Armeniae multa plenas humilitate verborum litteras receperisti, quibus signifi-cabat se pro reverentia nostra ad consilium & precum tuarum instantiam pacem cum Templaris reformasse, querelis eorū fatis faciens competenter, & quoniam per excommunicationis sententiam diu fuerat ab Ecclesia separatus, unde se plurimum contristari dicebat, absolutionis benefi-cium humiliiter postulabat, supplicans ci-holominus & instanter ut, sicut a nobis re-ceperas in mandatis, Comitem Tripolita-num ad faciendum sub examine tuo nepoti suo justitiam de Antiochia & principatu ejus ecclesiastica, si opus esset, distric-tione compelleres, cum idem nepos ipius super ius paratus existeret sub tuo iudicio.